



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

XXIII. Septembris. S. Gerardvs.

urn:nbn:de:hbz:466:1-38356

S GERARDVS natione Venetus, Monachus S. Georgij Maioris, de licentia Abbatis Venetiis soluens iter Hierosolymitanum per Pannonias aggredi cœpit. Sed à S. Stephano Rege prædicationis causa retentus, in monasterio Beel agri Budensis, soli Mauro monacho cognitus, septem annorum spatio contemplationi rerum diuinarum vacauit. Inde à rege evocatus, A. C. MXXXVII. & sedi Canadinensi, quæ est ad littus Morisij fluminis, impositus, adeò strenue officium sibi commissum executus est, ut multos tam verbo quam exemplo ab infidelitate, quā adhuc detinebantur, ad fidei seminas adduxerit, & martyrij gloriam consecutus sit. Miro erga cœli Reginam ferebatur affectu. Ad eius aram thuribulum argenteum collocauit, duosq; proœctæ ætatis homines adhibuit, qui perpetuò vigilarent, ne vñquam thymiana odoramentumq; desiceret. Nihil vñquam denegauit, quod diuæ MARIAE nomine pateretur. Eodem autore DEIPARA à Pannonibus DOMINA est semper appellata. Qui verò de intemera virgine loquens DOMINÆ nomen tacuissest, ei ex Gerardi lege genua illicè flectenda erant, & corpus humili prosterendum. Iure igitur Pannonia à S. Stephano Rege suo, Familia S. MARIAE dicta est. GERARDO tandem cum mors pro Christi nomine inferretur, illud memorabile fuit, quod primus Pannonum martyr protomartyris Stephani imitatorem se præbuit. Cùm enim lapidibus opprimeretur, flexis in terra genibus contenta voce clamabat: Domine IESV ne statuas illis hoc peccatum, quia nesciunt quid faciunt. Hæc precatus hastæ percussu obdormiuit in domino. XXIV. Sep. A. C. M XLII. Ex vita &

varius Script.

S. GER.

412 LXXX.



S. GERARDVS EPISC. MAR. ORD. S. BEN.
Hic Hungarorum Apostolus, in S. stephani Regis, coram
animis tantam devotionem erga B.V. MARIAM excitauit,
ut non nisi DOMINA ab ipsius uocaretur, ei perpetua
Patrona electa sit. Marfyro coronatus est an. ccccxxiiii. xxiv.
Sept.